

- 1 الغات رېي اشکو نټان ا-يفولکين،
ار-بدا-يسکار س-لحنانت-نس عيزگان.
- 2 الغات رېي کوټي لي-يجنجم،
عیکس-کن-د-ي-لهالاک عيگ-کن غ-لامان.
- 3 عيسمون-کن-د-کولوکن زغ-تميزار اگوکښين،
ياوي-کن-د-زغ-وژلماض عولا افاسي،
زغ-وسغلاي ن-تافوکت ار امطار-نس.
- 4 کرا کيکون ار-يتلولي غ-صاحرا عيخوان.
ور-وفين تامدينټ ما-غ-ا-تگوزن.
- 5 عيتغاشا-وول-نسن تضر-تدواست-نسن،
عينغ-تن-عيريفي عولا لاژ عيگوتن.
- 6 غ-تنوکموت-ان-اد-غران عي-سيدي رېي،
هاتي عيجنجم-تن-زغ-تاغوفت-نسن.
- 7 ياوي-تن-حايئا غ-يان-وغاراس عينمن،
ايلغ روحن تامدينټ لي-غ-راد-زدغن.
- 8 اد-الغن رېي ف-لحنانت-نس دا-يزگان،
د-لعجايب دا-يسکار ف-سبيت ن-بنادم.
- 9 ار-يسوا رېي کولو وانا ياغ عيريفي،
ار-يشباع س-لخير وانا عينغا لاژ.
- 10 کرا کيکون عيتياوکراف س-سئاسل ن-ووژال،
رفوفن غ-تيلاس د-ومالو لموت.
- 11 غين ا-غ-قامان اشکو عصان رېي،
حگرن ننتي لوصيات ن-والي ياتوين.
- 12 عيسيزاي فلاسن انهاثاف عيشقان،
ضرن س-واکال لاح ما-تن-يتعاوان.
- 13 غ-تنوکموت-ان-اد-غران عي-سيدي رېي،
هاتي عيجنجم-تن-زغ-تاغوفت-نسن.
- 14 عيسوفغ-تن-د-زغ-تيلاس عولا امالو لموت،
عيسي سئاسل-نسن عيرزم-اسن.
- 15 اد-الغن رېي ف-لحنانت-نس دا-يزگان،
د-لعجايب دا-يسکار ف-سبيت ن-بنادم.
- 16 ار-يرزا رېي عيفلوان ن-واناس،
ار-يتبي عولا عيفکيگن ن-ووژال.
- 17 کرا کيکون يوورې عينوفل س-دئوب-نس،
هرشن اشکو فوغن زغ-يواليون ن-رېي.
- 18 کرهون امشو اکمورن-ين س-لموت.
- 19 غ-تنوکموت-ان-اد-غران عي-سيدي رېي،
هاتي عيجنجم-تن-زغ-تاغوفت-نسن.
- 20 يازن-د-اول حايئا عيجوجي-تن،
عیکس-تن-د-ي-لهالاک ن-ومضال عيلاس.
- 21 اد-الغن رېي ف-لحنانت-نس دا-يزگان،
د-لعجايب دا-يسکار ف-سبيت ن-بنادم.
- 22 اد-فکن عي-رېي تيوافکيو ن-شوکر،
ار-تيريرن بدرن کولو عيسکيرن-نس.
- 23 ار-سودون ويياض غ-واناون ف-يمدوان،
ار-ساغن ار-ززان غ-تاما ن-وامان.
- 24 غ-ومدا عيدران ا-غ-ژران لعجايب ن-رېي،
غين ا-غ-سماقلن جهد ن-يسکيرن-نس.
- 25 يازن-د-اول ياوي-د-اضو عيتجهدن،
عيسدووي امدا عيساتوي تاضانکيوين.
- 26 ار-اقلان ار عيگي ار-تگوزن ار عيزدار،
غووضن باهرا اکمورن اد-خسين.
- 27 ار-تمليلين ار-طارن زوند عيسکاييرين،
دوهدون ور-اک-سين ما-راد-سکرن.
- 28 غ-تنوکموت-ان-اد-غران عي-سيدي رېي،
هاتي عيجنجم-تن-زغ-تاغوفت-نسن.
- 29 عيسفسا اضو عيسيد تاضانکيوين،
عيسهنو عول-نسن س-ومدا عيزگان.
- 30 ياوي-تن-غ-لامان ار لمرسا لي-ران.
اد-الغن رېي ف-لحنانت-نس دا-يزگان،
د-لعجايب دا-يسکار ف-سبيت ن-بنادم.
- 31 اد-مجدن رېي غ-گر ويلې-ت-يتعبادن،
حمدن-ت-غ-ومناگار ن-يمغارن ن-مدن-نس.
- 32
- 33 عيسروح-د-تاغارت عي-يسافن ن-وامان،
عيرار تالعينين گنت عيکضيان عيروفان.
- 34 ليغ عيزرا لخشانت ن-ويلي غين زدغنين،
عيرار اکال عيشوان عيگ املال عيمارغن.
- 35 عيفک تالعينين عي-صاحرا عيروفان،
عيرار لبور عيقورن عيگ تيمديوين ن-وامان.
- 36 ياوي-د-س-واکال-ان غويلي عينغا لاژ،
بنون يات-تمدينټ ا-کيس-زدغن.
- 37 اوين-د-امود ژون اسغار ن-واضيل،
اسين تيمبخار زغ-يگران-نسن.
- 38 عيبارک-تن رېي عيگاتن دارسن تاروا،
ور-يودجي اطان ا-يلکم لکسييت-نسن.
- 39 ليغ ضرن ننتي نرون-تن ايت-يميج،
کنون غ-دو تاژايت ن-تکرايت عولا تارفوفنت،
عيسوفغ رېي غويلي فلاسن عيتاکلن،
يازن-تن-اد-جلون غ-لخلا ياکوگن.
- 40 عيکس-د-غويلي ضعفين عي-تنوکموت عيشقان،
عيسيگت-اسن تاروا زوند لکسييت-نسن.
- 41
- 42 فرحن ايت-وفولکي س-مايد عيسکر رېي،
عيما ايت-لخشانت لاح-اسن ما-تينين.
- 43 يان دار لعامل، ا-ست-ياوي غ-کولو ماياد،
عيسوانگم غ-لحنانت ن-رېي دا-يزگان